



# Taulogologo

## FA'AALIGA

Lomiga 78

IUNI 2018

O LE FA'AALIGA LAUA'ITELE A LE ATUA I LE TAGATA e uiga i lona natura ma lona finagalo: O le manatu autū lenei ua tatou malamalamaina ai i le "fa'aaliga" i aso nei. Ae o lenei manatu autū e le maua lea i le Tusi Pa'ia lava ia, o lo'o fa'asino i ai le ulua'i apolokalifa Eleni (Roma 2: 5; 16: 25) o lo'o fa'asino lea i mea na tutupu i taimi fa'apitoa na fa'ailoa mai ai le moni e mamana i se tasi e ala i upu po'o ni gaoioga. O vaega na fa'atelele tala o le Feagaiga Tuai na fa'amatalaina le feiloa'iga tu'u sa'o a le Atua i le tagata – ia Atamu po'o Noa. I vaega po'o tala fa'a'āfa'afa o le tala'aga o fa'aaliga o le finagalo a le Atua e sau fa'asolosolo e pei o se vala'au i se gaoioga, e masani e sau ai ma se fa'atonuga, se folafolaga ma se meaalofoa. Na vala'auina Aperamo e avea ma Tamā o se nu'u tele, ma folafola atu i ai se olaga lelei fa'apea se atali'i. Na vala'auina Mose e ta'ita'ia maia lenā nu'u mai le pologa, ma na folafolaina atu i ai se lau'ele'ele e tafe ai le suāsusu ma le meli ma avatu i ai Tulafono. Na fa'ailoa mai e le Kenese le fa'aaliga a le Atua lava ia iā Aperamo e ala i se asiasiga a se agelu; ua fa'amatala e le Esoto le mamalu o le Atua na iloa e Mose i le afi mumū i totonu o le la'au talatala ma na fa'ailoa atu i ai ma lona suafa (o le mea e le'i iloaina e Aperamo).

I le taimi tonu o le tala'aga, o lo'o fa'amatala i tusitusiga a Tupu, sa fa'asalaina e le Atua Tavita ina ua agasala ma toe salamō; ma na mafai ona ia liliu ana taleni fai solo i se fua lelei fa'aleagaga, ona avea ai lea o ana Salamo ma vaega tutotonu o vivi'iga Kerisiano ma le poutū o le olaga fa'aleagaga a monaserei. O Perofeta, mai ia Amosa aga'atu ia Malaki, ua vala'auina e toe amia mai tagata ina ia usita'ia le Atua sa latou fultua atu i ai. Ae o la latou fe'au sa le amana'iaina, ona o fa'aaliga lavea'i a le Atua e masani lava ona te'ea. Ae mulimuli mai ai o le Alo o le Atua sa ia fa'ataunu'uina le fa'atalitali a Iutaia ma tagata uma, fa'aalia le natura o le Atua o se alofa, ma aumaia (i upu a Sagato Ioane) le ola, kaliasia ma le moni. O le fo'ai fua a Keriso o lo'o fa'aauau pea ona faia e le Ekalesia na ia fa'avaeina, o lo'o tatala maia se faitoto'a e susulu atu ai lona malamalama i le lalolagi o lo'o loto malō lava ma mana'ona'o i le pogisā.

E tasi le mea ua 'au tasi uma i ai Kerisiano, o Iesu na fa'ailoa mai ai le moni o le Atua. Ae ui i lea, o le manatu lenei sa tatau ona tu'ufata'asia ai i tatou, na avea ma papa na vaeluaina ai le Ekalesia i Sisifo i le 16 seneturi. Ua fa'amaonia e Katoliko ni 'auala se lua o le Fa'aaliga, Tusitusiga Pa'ia ma Tala'aga a le Ekalesia; ua na o le Tusi Pa'ia ua fa'ailoaina e Porotesano ae ua fa'amasinoina le Tala'aga e fa'apea o mea na faia e le tagata ma e faigofie ona ulu atu i ai le lē fa'amaoni. I nei aso o le malamalama'aga i tala'aga o nei mea e lua, Katoliko ma le Porotesano ua maitauina o tusitusiga mai le Tusi Pa'ia sa lē fa'amatalaina fa'atalatu'u le moni i tusitusiga, ma sa fa'aogā mai tala'aga fa'atalatu'u i le Fa'a - Iutaia ma na fa'asolo mai ai lea i Tala'aga Kerisiano na tu'u fa'atasia e nei Tusitusiga Pa'ia, sa tusitusia e Tamā ni fa'aupuga maumaututū ma le

matagofie. Ma ua tatou talisapaia le matafaioi ma le tāua a le sauniga i le fa'asaoina ma le fa'aleleia o le fa'ailoaina o le moni. O le tatalo tele o le Ta'utinoga o le Fa'atuatua "Naisia" ua tu'uina i totonu o le Misasa i le taulugaga o le Sauniga o le Upu, o se fa'ata'ita'iga sili lea o le Tala'aga *tusitusia*. E ui o lo'o fa'avae i "pasina pa'ia" e pei ona fa'auigaina e Tamā, e lē 'o tusia i upu tonu a le Tusi Pa'ia; o taumafaiga a le tagata na tu'u fa'atasia e le Fono Aoaio i Efeso i le 4 o seneturi a o tauivi le Ekalesia ma mau fa'aposemata na fe'ese'ese ai. I le malamalama'aga Katoliko o le Ekalesia i lona fa'atuatua fa'amaoni iā Keriso o lo'o fa'amaonia e le Agaga Pa'ia, o le Tatalo o le Fa'atuatua e mafai ona tatou fa'apea a'e o se vaega o le fa'aaliga a le Atua. Ae e ui o le Tatalo o le Fa'atuatua ma Tusitusiga Pa'ia e matuā tāua tele, e lē o upu ia o le 'autū o le talitonuga Kerisiano: A o ia o le UPU.

Talu mai le apokolifa i lona manatu autū o lo'o fa'asino lea i se taimi fa'apitoa o le moni na "tatatala", o se fa'aaliga fa'apenei e mafai ona sau i se tasi e ala mai i tatalo, ma o lo'o iā i tatou lava tatalo a le Ali'i i Ketesemane ma taimi ae le'i toe fa'atūina Lasalo, o ni fa'ata'ita'iga e mafai ona fa'apea (LK 22: 40 – 3; Ioane 11: 41). O le faiga e sau ai e mata'utia e pei o fa'aaliga a lo tatou Ali'i iā Sagata Makerita Maria Ala-coque i le 1673 ma lo tatou Tinā i Tamaiti i Fatima i le 1917. O le fesiligia o le pule "totino" i se fa'aaliga ua fuafua lea i se malamalama'aga laua'itele i le fa'aupuga. O mea na va'aia ma fa'aaliga a le Ali'i ia Sagato Paulo ma mea na fa'alogi i ai o upu e lē mata'uta'ua (2 Korinito 12: 1, 4); ae na fa'avae ana a'oa'oga fa'aaposetolo i tala'aga masani a le Ekalesia. O Fa'aaliga e masani ona sau i taimi e le mafauina e pei ona a'oa'o mai se tasi o faia'oga. E mafai ona sau e ala mai i se maitauina e pei o se teneititi e le atoatoa lona tino e pese i le 'aufaipese a lana palisi i lea tausaga ma lea tausaga; e ala mai i le Kofesio a o faimalaga i ni malologa i se gagana e lē malamalama i ai se isi, mulimuli mai ai ma upu matagofie o le fa'amafanafanaga; po'o e ala mai ile tatalaina o le Tusi Pa'ia i taimi ua fa'aletonu ai le fa'atuatua i upu nei *O lana pule o le pule e fa'avavau lea e lē mavae atu ia* (Tanielu 7: 14). O Fa'aaliga e masani o se vala'au, o se folafolaga, ma o se meaalofoa; ma o se mea e masani ona tatou "talia."



## FAITAU LE TUSI PA'IA

### **Sefanaia, Hakai, Sakaria, Malaki** *Va'ava'ai i luma i le Feagaiga Fou*

O Perofeta Laiti e fa (ma i le tele o tusi mulimuli a le Feagaiga Tuai) ua tele fa'apuga ua faia e uiga i le fa'ato'ilaloina o Papelonía ma le toe Fa'afouina. Sa a'oa'o Safania i aso o Iosia, o le tupu aloa'ia mulimuli a luta: o lona maliu i le taua muamua i Armageddon na aloa'ia ai le i'uga o le sa'olotoga o Iutaia. Sa iloaina e Safania lea mea, "Ua fetalai mai ai le Ali'i, 'Ou te matuā fa'aumatia mea uma i le foga'ele'ele' (1: 2). Ona o tagata lava a le Atua ua amio e pei o le 'au fa'apaupau i o latou tua'oi o le a le fa'asao maia i mala o le a o'o mai. Aemaise lava atali'i o le tupu o le a fa'asalaina – latou o atali'i lē aogā o Osia na mafua ai ona osofa'ia e le 'au Papelonía talu ai lo latou fa'alata, le taufa'avalea ma le lē fa'atuatuaina.. Ona i ai lea ma le folafolaga o le toe fo'i mai, "Ou te fa'atotoe i totonu iā te oe o le nu'u agamalū ma le mativa" (3: 12). Ona fa'ai'u ai lea o le tusi e pei o le tele o perofetaga, ma le folafolaga o le alofa o le Atua, "pe a ou fa'afoisia la outou tāfeaga, o outou o va'ai i ai".

O Hakai ma Sakaria e o fa'atasi, ona sa la a'oa'o atu a o fa'ataunu'uina le folafolaga. Sa fa'ataga e le 'au Peresia ona toe fo'i mai tagata Iutaia sa fa'aunu'ua i Ierusalemā, ma na toe fausia le Malumalu. Sa fa'amanatu e Hakai i tagata e ao ona fa'aauu pea le toe fausiaina, ma le lapata'iga a leai o le a lē mau le seleselega.

Ae ui i lea mai le taimi na amata ai ona toe fausiaina, ma mautu ai ma le mau, ma sa maua ai le avanoa e le kovana o Serupapelu, e toe fa'avae ai le aigā tupu.

O Sakaria e tele ana tala sa fai e uiga ia Serupapelu, ma le ositaulaga sili, a o va'ava'ai i luma i le toe fo'i i faigamalō

masani .Atonu na malamalama lelei latou sa fa'alogo iā te ia i ana gagana "fa'apokalifa", ae o tatou e mana'omia ni fa'amatalaga ma ni fa'amalamalama, ae o le fe'au autū, e pei ona masani ai, fa'atuatua i le Atua, o le a ia va'aia e alu lelei mea uma. E le tau mate e pei o ana pa'aga o le vaitau lava lea o Ne'emía ma Esera, sa va'ai le perofeta i luma i se taimi o le a "ō mai fo'i nu'u e tele ma nu'u malolosi e sa'ili i le Ali'i o 'au i Ierusalemā," ma le manatu matagofie o Iutaia ta'itasi o le a mafai ona latou aumaia ni tagata 'to'atinogafulu a'i gagana' fa'atasi ai ma ia i le Atua (8: 22 – 3). E o'o lava o fili sa latou feagai o le a 'amia e vivi'i atu i le Ali'i, le Atua o Isaraelu. Na vavalō e Sakaria le galuega tala'i a le 'au Aposetolo, lea na aumai i nu'u uma o le lalolagi le malamalama ona fa'apefea ona talanoa le Atua i tagata Iutaia muamua, ma pe fa'apefea ona maua e tagata Iutaia le fa'aolataga" (Ioane 4: 22).

Ona fa'ai'u lea ia Malaki, e leai ni aso ae pei o Hakai e talanoa mai i le faitaulaga mamana i le Malumalu ua toe fa'afouina. Afai e faitio ua le fa'atamāoaigaina, e pei ona ia fa'amatala, ona o le agasala o le malepelepe o fa'aipoipoiga ua sosolo i le li'o o tagata o le Atua. Ae i le mataupu mulimuli lava ua ia va'ava'ai ai i luma i le fa'alavelave manino a le Atua i le lalolagi, pe a "sau fa'afuase'i le Ali'i o lo outou sa'ili i ai", ma o Elia o le a tamo'e i luma atu o ia.

Ona uma ai lea o le Feagaiga Tuai, i le fa'atalitali mo le afio mai o le Ali'i.

## O MAREKO I FAITAUGA (*Fa'aauau mai lomiga talu ai*)

### O le vaitaimi e pei ona fa'amatala e Ioane: O Iesu o le falaoa o le ola

O faitauga na fa'amatala (lomiga talu ai), na mulimuli mai ai le fa'amatalaga o le fa'ateleina o falaoa (6: 31-44). I le taimi la lenei i le tala ia Iesu, e ui i lea, ua suia loa faitauga i le evagelia a Ioane mo le vaega lona fa o le tala a le tusi evagelia o lenei vavega o le fafagaina (6: 1 – 15) ma tala na mulimuli mai ai mo Iesu (6:24- 69, mo le vaitau o le fa vaiaso). O le fa'amatalaga a Ioane ua toe fa'amanatu mai ai le Salamo 23, ina ua fa'anofo e Iesu le motu o tagata i lalo le mutia (Ps. – 'vao mu'a'); e le gata i lea o Iesu lava na fafagaina le motu o tagata, avatu i ai le ano-anoa'i o mea 'ai e pei ona manana'o i ai (cf.Ps.23:1 – e leai se mea ou te mativa ai'), ma le sefululua ato tutumu i mea'ai na totoe. O lea la na fa'amamafa mai e Ioane le matafaioi a Iesu o se Leoleo Mamoe e agalelei ua aumaia le fa'ateleina o le ola.

I lana fa'amatalaga o le vavega o Iesu e Ioane ua fa'amatala o ia o le falaoa moni ua sau mai le lagi, le 'areto o le ola' (6:35). O Iesu o lē e fa'aalia le alofa o le Atua ma lē ua foa'ia mai le ola ona o ia o lē 'mai le Tamā (4: 46), le na fa'aailoa mai le Tamā (1:1, 18). O le mea lea, a tu'u i se fa'avae tāua lava, o Iesu o le areto o le ola ona na ala mai iā ia – e ala i lona liutino tagata, ola, maliu ma lona toetū – na foa'i mai ai e le Atua le ola.

Na fa'aauau e Ioane ma fa'amanino mai o le Eukalisitia o se fa'amanuiaga tele lenei e feiloa'i ma talia ai Iesu, o le areto o le ola (6: 51 – 58). O le Iesu a Ioane e fa'aogā ni fa'aailoga va'aia o le 'ai o le tino' ma le 'inu o le toto'. O le Eukalisitia o le mea 'ai moni lava, o se 'au ai moni fa'atasi i lona tino ua tofitofi ma le toto ua sasa'a mai, o lana taulaga o le alofa i luga o le koluse. I le toe fo'i i le tala o le fa'ateleina o falaoa, e tāua tele le auina atu e Iesu o le 'au so'o e toe ao mai mea 'ai na 'totoe.' O le upu na fa'aogā (*klasmata*), o le upu fo'i lea na fa'amatala ai nut-inutiga o le Eukalisitia.

O le faitauga mulimuli ua tovā ai e Ioane (6: 60 – 69) o lo'o aofia ai sini na fa'alau'itele ma fa'aatoatoa mai e le afa lona lua a le evagelia a Mareko. O le mea lea ua talafeagai ai le so'otaga iā Mareko e aunoa ma se motusia. O le sini muamua e so'ota'i lea iā Keriso. I le Ioane 6: 69 ua fa'aailoa mai ai e Peteru o Iesu o le 'Pa'ia o le Atua' – o lē mai le Atua ma o lo'o i ai le Agaga o le Atua, o le ua tu'uina atu e le Atua mo le galuega o le fa'aolataga. Tatou te va'ai fo'i e fa'aigoa e Peteru Iesu o le 'Mesia,' o le e faia pea lava o mea lelei ile Atua, Mareko 8.29, e ui e le malamalama atoatoa Peteru i le uiga loloto o lenā tala. O le sini lona lua o le lu'itau o le fa'aso'oina. E pei ona fa'aailoa mai le vaega o le 'ala' i le evgaleia a Mareko o se fa'aupuga e faigatā (Ioane 6: 60), e to'atele e lē taliaina.

### O le 'vaega o le ala'

O le 'vaega o le ala' a Mareko (8:22 – 10: 52) e femilosa'i lona fa'atulagaina aga'i i valo'aga e tolu e uiga i le puapuagā a Iesu (8: 31; 9: 31; 10: 33 – 34). E soso'o mai i valo'aga o pasio ta'itiasi se va'aiga mai le 'au aposetolo o lo'o ta'u mai ai le lē malamalama: Na vavao atu e Peteru iā Iesu ina ua fa'aali e Iesu e tatau ona puapuagatia ma maliu (8:32); na fefifinau le au so'o po'o ai o latou e sili (9: 33); o Iakopo ma Ioane ua 'ai'oi atu iā Iesu e nonofo i autafa o Iesu ma le manatu o Iesu o le a ulufale atu i Ierusalem o se mamalu fa'amesia (10: 35-37). O le lē malamalama i mea o lo'o fai mai ai Iesu e uiga i lona puapuaga ma le maliu o lo'o fofou mai na maua ai ma le avanoa a Iesu e a'oa'o atu ai le loloto o le uiga o le mulimuli iā te ia.

E pei ona maitauina muamua, o le fa'amatalaga a Mareko o Iesu i le afa muamua o lana evagelia ua fa'aailoa mai ai le malosi o ana upu ma galuega e fo'ia ma fa'ato'ilalo i malosi'aga o lo'o tete'e i le aumaia o le malō o le Atua. O le mata'aga autū la ua aga'i i le malosiaga a Iesu, ua ta'ua o le malosi e mamana o lo'o galue e ala i lona puapuagatia ma le maliu e maua mai ai le ola. Na fa'aali e Iesu o ia o le Alo o le Tagata e tatau ona puapuagatia ma fasiotia, ona toe fa'atuina lea mai le oti. Ona o le Alo o le

Tagata, ua sau ina ia 'auna ne'i 'au'auna atu i ai, ae ia 'au'auna atu ma foa'i lona ola o se 'totogi' mo le to'atele (Isa 53: 11 – 12). Ina ia mautinoa o le Iesu a Mareko o le Alo fo'i o le Tagata na fa'amamaluina o le a toe fo'i i lona mamalu e aumaia le atoaga o le fa'aolataga. Ae le o se mea fa'afuase'ia le aumaia e Mareko o se sesē muamua fa'aletagata o le fa'aailoaina o Iesu i le taimi o lona maliu: "E moni o le Alo o le Atua lenei tagata (15: 39). I le evagelia a Mareko ua malamalamaina leleia o Iesu o se Mesia puapuagatia.

O le a le uiga o le aveva ma ē e mulimuli i se Mesia? Na a'oa'o Iesu i ona so'o ina ia tauave o latou satauro, fa'amaumau o latou ola ona o ia (8: 34 – 35). I nisi o fa'aupuga aua ne'i sa'ili le ola i mea e manatu e maua i ai – o le 'oa, pule, ma le ta'uta'ua – ae i le mulimulita'i i ala a Iesu - alofa fua, o se auala e a'afia ai latou e tete'e ma le puapuagatia (10: 38- 39). O se fa'aaliga mausali o lenā alofa o le a'oa'oga a Iesu iā i latou ua mulimuli iā te ia ia aveva ma 'au'auna i isi, e o'o – lava – ae maise – i latou ua i le taufa'a'si'usi'u o le sosaiete. I le faia fa'apea, ua mulimuli le 'au so'o i 'auala a le Alo o le Tagata na sau e 'au'auna. O le a "ali'i ta'i i latou" ae le pei ona iloa ai e le lalolagi nei (10: 42 – 44).

O le 'vaega o le ala' ua tu'uina mai ai 'auala mautū o se faiga fou o le vala'au a Iesu i le fa'aso'oina ina ia fa'atulafonoia. O lana tali i le fesili e uiga i ulugali'i tete'a (10: 1 12), i se tasi o manatu, ina ia fa'aailoa le manatu a le 'au pateliaka e lē fa'avavae i ni manatu lelei fa'apea le lē faimea tonu i fafine. I le isi manatu o ana a'oa'o ile pa'iaga ma le tausiga o folafolaga o fa'aipoipoiga ua lu'itauina ai ulugali'i ma aiga ina ia ola ai i fa'atonuga a Iesu e alofa atu, talia ma 'au'auna atu le tasi i le isi i totonu o a latou aiga. O le tala e uiga i se ali'i talavou mau'oa (10: 17-22), i se tasi tulaga, o tala mata'utia e uiga i se tagata ua ulufia e ana 'oa ma ua lē taliaina le vala'au a Iesu e mulimuli atu iā te ia. O le isi tulaga o le vala'au i le fa'aso'oina ia fa'aoga e ala i le fa'aogaina o mea uma ua maua e se tasi – oloa, o mealofa ma taleni – e alofa atu ai ma 'au'auna atu i isi, aemaise le 'au matitiva.

O le 'vaega o le ala' ua si'omia e tala e lua o le fa'apupulaina e Iesu o le ali'i tauaso. O le tala muamua na taumafai ai Iesu e fa'amalolo se ali'i na va'ai ae le'i atoatoa (8:22 – 26), ua fa'aailoa mai ai le faigatā iā i latou e mulimuli iā te ia ona maua i le taliaina o se Mesia puapuagatia ma ana a'oa'oga o le fa'aso'oina e a'afia ai ma le ala o le koluse. O le mea lea, o se vaega tāua o le 'fa'atasi ai' ma Iesu o le tu'uina atu lea mo ia ina ia ave'eseina 'auala ua tatou tauaso ai po'o auala ua tatou te'ena ai lona ia fa'aalia mai ma le vala'au mai ina ia tatou mulimuli atu iā te ia. O le tala lona lua, o le fa'apupulaina o mata o Patimaio (10: 46 – 52), o le na toe va'ai ma na mulimuli atu iā Iesu 'i le ala' – o le 'ala lea' i Ierusalem le nofoaga e puapuagā ma maliu ai Iesu, ma o se fa'aailoga, 'i le ala 'aga'i atu i se fa'aso'oina moni....fa'aauau atu i pea....

## O LE FALAOA O LE OLA

I le toe manatunatu itua a o tatou tuputupu a'e I o tatou aiga, o se tauloto masani a matua, o matua o matua ma nisi o aiga e una'ia ma fa'amalosia i tatou e 'au atu i Misasa i taeao i o tatou nu'u. O le tele o tatou a o laiti o se tauviga lenei mea ona e leai se isi e fia alu 'ese mai le mafanafana o moega ma le moe lelei. O lenei ua tatou malamalama lelei i le t̄ua o le Eukalisitia, tatou te fa'afetaia ai le fa'atauanau o nei matua ma tua'ā mo le galuega alofa.

### O se Folafolaga

Fai mai Iesu, "Fa'auta fo'i, 'ou te iā te outou i aso uma lava, e o'o lava i le gata'aga o le lalolagi. (Mataio 28: 20). O se folafolaga matagofie tele lea. E fa'atasi pea ma i tatou, i taimi lelei, i taimi leaga, i le ma'i ma le maloloina, mai taimi na tatou fananau mai ai se'ia taunu'u i le i'uga. E fa'apefea la ona mafai lenei mea? O se tasi o auala, e ala mai lea i le mea alofa o le Eukalisitia.

### Falaoa Ola

Na fai atu Iesu i ona so'o, "O a'u o le areto ola na alu ifo mai le lagi. Pe a 'ai se tasi i lenei areto, ona ola ai lea o ia e fa'avavau, o le areto fo'i ou te avatua, o lo'u tino lea, ou te avatua mo le ola ole lalolagi" (Ioane 6: 51). O lenei mea na nenefu ai le to'atele o latou sa mulimuli iā te ia, ae ua tatou va'aia nei na fa'ataunu'uina e le Eukalisitia. Fai mai Sagato Maximilian Kolbe, "e afio le Atua ma tatou, i le Sakalameta Pa'ia o le aletale. Afai e loto leaga agelu i le tagata, ua tatau ai mo le mafua'aga e tasi: "Komunio Pa'ia." Le Ali'i o le vateatea, e vivi'i i ai agelu, ua foa'i mai o ia lava mo tatou, na o ni tagata. Ona o lona alofa tele mo i tatou, ua ia ofoina mai ai lona Tino, toto, agaga ma le mamana i le Eukalisitia. O se fa'amanuiaga lenei. E mafai ona tatou avatu o tatou fa'afitauli ma mafatiaga uma i le Ali'i i le Sakalameta Pa'ia. E fiafia Iesu e fa'alogoma mai ia i tatou, o se uō e fa'amafanafana. Na te fa'amalosia i tatou pe a tatou vaivai, fa'atasi ma i tatou pe a tatou ta'ito'atasi, e o'o lava i le fa'atasi ma tagi ma i tatou pe a tatou fa'anoanoa.

### Tapua'iga o le Eukalisitia

Fai mai Pope Ioane XXIII, "ina ia taofi mai a'u ma le agasala ma le sesē 'ese mai ma ia, ua fa'aogā e le Atua tapua'iga i le Finagalo Pa'ia o Iesu i le Sakalameta Pa'ia. O le Finagalo o Iesu ou te alu i ai mo ni tali o fa'afitauli uma." Na fa'alaua'itele e Sagato Ioane Paulo II fa'apea, "O le Ekalesia ma le lalolagi e i ai le mana'o tele mo tapua'iga fa'a-Eulaisitia. E fa'atalitali mai Iesu mo tatou i lenei sakalameta o le alofa. Ia maua ni taimi tatou te o atu ai ia te ia i tapua'iga, mo tomanatuga e tumu i le fa'atuatua ma tatala o tatou tagata i le salamō mo sesē ma soli tulafono o lenei lalolagi

### Sauniuniga mo le Misasa

E t̄ua le sauniuni lelei mo Misasa ta'itasi. O se taimi t̄ua ma le pa'ia pe a tatou talia Iesu i le Eukalisitia Pa'ia ma e tatau ona tatou tausia se agapogi fa'a – Eukalisitia ae le'i

amata le Misasa ma talosaga mo se fa'amagaloga mo a tatou agasala i le taimi o le sauniga o le fa'amagaloga i le amataga o le Sauniga. Ua a'oa'o mai le Ekalesia so'o se isi o lo'o silafia sana agasala mamafa e tatau ona taliaina le Sakalameta o le Fa'aleleiga ae le'i taliaina le Komunio Pa'ia.

### O Fua o le Komunio Pa'ia

Aiseā na ofoina mai ai e Iesu o ia lava mo tatou i le Eukalisitia? Ua sau e fa'amagalo a tatou agasala ma fa'amalosia i tatou ina ia tatou aga'i atu i se olaga pa'ia. I le Komunio Pa'ia ua tatou latalata ai fo'i i le Atua ma tu'u fa'atasia ai ma le Ekalesia, le Tino o Keriso i le lalolagi nei ma tagata pa'ia o lo'o i le lagi. O le Eukalisitia o le falaoa o le ola ua tatou maua mai ai le mea'ai fa'aleagaga ma aumai ai i tatou i se ola fou iā Keriso. A tatou taliaina le Komunio Pa'ia ma le fa'atuatua ma le fa'amaoni, o le a suia ai o tatou olaga ma avefa ai i tatou ma tagata e mana'o i ai le Atua.

### Ō, Ua Auina Atu i Le Lalolagi

Talu ai nei sa tu'uina mai ai e Pope Faranisisi ni a'oa'oga i le Eukalisitia. Fai mai o ia, "O aso Sa ta'itasi ua tatou ulufale atu ai i le manumalō o Keriso i le agasala ma le oti, ma i le mana o le Agaga Pa'ia, ua tatou maua ai se fa'asoa i lona ia lava ola. I le fa'atinoina o le misitelio o le paseka a le Ali'i, o le Eukalisitia ua fa'amalosia i tatou e avefa ma moli-mau, e pei o le 'au maletile i aso ua tuana'i, i lona manumalō i le oti ma alofa atu i isi e pei ona ia alofa mai, ma avatu fua i tatou mo lo latou lelei." Ua foa'i mai e Iesu o ia lava i le Eukalisitia ina ia mafai ai ona tatou avatu lona alofa i le lalolagi ma fa'asoa atu iā i latou e i ai le mana'omia i le fa'aleagaga ma le fa'aletino. E lē na o se mea alofa mo tatou, ae mo le fa'apa'iaina ole lalolagi atoa, o le ala lea i upu fa'ai'u o le Misasa e 'Ō atu' - iā i latou e lē iloina Iesu.

### O le la'asaga muamua

Ona o Kerisiano, 'o le fa'atuatua ua tatou savavali ai, ae lē o le tino mai o mea (2 Korinito 5: 7). Na fa'amatala e Sagato Aukusitino e fa'apea, "O le fa'atuatua ole talitonu i mea ua tatou lē va'ai i ai, ma ole tau mo lea fa'atuatua o le va'aia o mea ua tatou talitonu i ai." O le la'asaga muamua o le la'asaga o le fa'atuatua. A tatou talia Iesu i le Eukalisitia Pa'ia, tatau ona tatou fai atu, "Fa'afetai le Ali'i e, ua ou talitonu ua e sau iā te a'u," ma o le a suia mālie ai o tatou olaga.

## **VI. VAIVAI LE TALI ATU**

53. O nei tulaga ua mafua ai e le tuafafine o ele’ele, fa’atasi ai ma mea uma e tu’ulafoaia e lo tatou lalolagi, e uiō mai, ma ‘ai’oi ina ia tatou uia se isi auala. Tatou te le’i so’ona tigā ma leaga tausiga i o tatou lava lo-toifale masani e pei ona tatou i ai i le lua selau tausaga mulimuli nei. Ae ua vala’auina i tatou e aveva ma mea faigaluega a le Atua lo tatou Tamā, ina ia aveva le tatou paneta e pei ona ia finagalo i ai ina ua ia foafoaina ma fetau ma lona fa’amoemoe mo le filemu, le matagofie ma le lelei ato’atoa. O le fa’afitauli, o lea lava o lo’o tatou ausage i le aganu’u e mana’omia e fa’afetauia lenei fa’afitauli. Tatou te oge i ta’ita’iga e mafai ona tāina ni auala fou ma fa’afeiloa’i atu i mana’oga o le taimi nei fa’atasi ai ma le popolega o tagata uma e aunoa ma le afāina ai o tupulaga lalovaoa. I le fa’avaeina o se tulafono fa’a-āuivi e mafai ai ona fa’amanino tuā’oi ma fa’amaunono ai le puipuiga o meaola fa’alenatura ua fa’atuatua’i; ‘a le’o lea, o le malosiaga o faiga fa’avae fou ua fausia i luga o tekonolosi tau tamaoaiga feso’ota’i o le a mafai ona pulcaina ua le gata i a tatou faiga fa’apolokiki ae fa’apena foi le sa’olotoga ma le amiotonu.

54. E ofoofogia pe fa’apefea ona vaivai tali fa’apolokiki fa’a-va-o-malo. O le fa’atamāla o le fa’atumutumu o le lalolagi i le siosiomaga ua fa’amanino ai o a tatou faiga fa’apolokiki ua ‘auga i tekonolosi ma tupe. E tele na’uā fa’ananauga fa’apitoa, ma o fa’ananauga tau tamaoaiga e faigofie ona muta i le manumālō i le manuia lautele ma lēsagatonu fa’amatalaga ina ia lē afaina ai latou lava fuafuaga. Na augani le *Tusi-fa’ailo o le Aparecida* e fa’apea, "o fa’ananauga a vaega o le fefa’ataua’iga lea e noa le tofā e talepe fa’apogai o le ola, e lē tatau ona manumālō e feagai ma tamaoaiga fa’alenatura." O le feso’ota’iga i le va o le tamaoaiga ma le tekonolosi e i’u ina fa’a-autafa uma ai so’o se mea e lē fetau ma pi’itaga o ona mana’oga. O le fa’apogai e muamua lava maitauina fa’amatalaga susua fa’a’ole’ole, o amioga talalautasi o le alofa tula’i ma fa’aupuga papa’u i popolega mo le si’osi’omaga, ae o so’o se taumafaiga lelei lava a vaega ia e i totonu o le sosaiete e fa’alauiloa suiga e iloilo au’ili’ili o se fa’asōesā e fa’avae i mitifafau faivavale po’o se pupuni e ‘alo i ai.

55. O nisi atunu’u o lo’o fa’asolosolo malie le alu-alu i luma, i le fa’atupula’ia o atina’e o pulega tatau e aogā ma galulue e teēna faiga palapalā. Atonu o le a manuia le fa’atupula’ia o tagata e amana’ia le si’osi’omaga, ae peita’i, e le’i manuia i le suiga o a latou masaniga mata’utia i le fa’aaogaāga, lea e sili atu nai lo le fa’aitiitia, ma e foliga mai o lo’o fa’atupula’ia pea. O se fa’ata’ita’iga faigofie o le fa’ateteleina o le fa’aaogaāga ma le malosiaga o eafa’amalūlū. O maketi, lea e vave manuia mai fa’atau, e fa’aosofia ai se fa’amalosiga sili atu. O le tilotilo a se tagata ese i lo tatou lalolagi o le a maofa i nei amioga, lea e foliga mai i nisi o taimi e talepe e le tagata lava ia.

56. I le taimi nei, o malosiaga tau tamaoaiga o lo’o aveva pea ma fa’amaoniga o tulaga o faigamalo i le lalolagi, lea o lo’o ave ai le fa’amuamua i sufigāmanatu ma le sa’ili-ga o tupe maua, lea e lē mafai ona amanaia se fa’amatalaga, ae ta’atia ai pea lea a’afiaga o tamā’ali’i’aga o le tagata ma le si’osi’omaga fa’alenatura. O lea ua tatou va’ava’ai pe fa’apefa ona fa’aleagaina le si’osi’omaga ma tagata fa’apea amiōga fa’alumaina e felāta’i so’otaga. O le to’atele o tagata e te’ēna le latou faia o se mea sēsē, auā a lapelapea, ona tumau ai pea lea o le noa o lo tatou malamalama’aga i le mea sa’o e tusa ai ma tapula’a ma le lētumau o le tatou lalolagi. E tusa ma se fa’ai’uga, "so’o se mea lava e pala, e pei o le si’osi’omaga, e lē fa’amuamua le malupuipua nai lo le naunauta’iga i se maketi fa’amemelo, lea e aveva ma

tulafono tūtasi."

57. E ono mafai ona iloa e fa’apea, a mae’a ona fa’aaogaina nisi o tamaoaiga, o le a alia’i ai se va’aiga o ni vevesi fou, e tusa lava pe lē tapā ni aga tautupu. O taua e masani lava ona afaina tele ai le siosiomaga ma ‘oa fa’aleaganu’u a tagata, o tulaga lamatia e fa’alauteleina ai pe a manatu se tasi i a’upega fa’aniukilia ma a’upega o’ona fa’ameaola. "E ui lava i maliliega fa’a-va-o-malo e fa’asāina ai vaila’au o’ona, su’esu’ega o siāma ma le manuia tau meaola, o suesuega fa’asaienitisi e fa’aaauu pea ona atia’e ai a’upega fou mo puipuiga e mafai ona suia ai le fa’apaleniga o le natura." O faiga fa’apolokiki e tatau ona sisila toto’a le va’ava’ai i fete’ena’iga fou ma fa’ailoa mafua’aga e ala ai ona fa’apogai. Ae ona o le malosiaga o fa’ananauga i mea tau tupe ua fa’amaonia le sili atu ona fa’ataute’e i lenei taumafaiga, ma o fuafuaga fa’apolokiki e manatu e le lava le tofāmamao. O le a se mea na te fa’atosina so’o se tagata, i lea tulaga, ia taōfiofia pea le malosiaga, ae ia manatua lo latou lē agava’a e fa’atino se mea pe afai e mana’omia fa’an-anati ma ono tatau ona faia?

58. I nisi atunu’u, o lo’o i ai ni fa’ata’ita’iga lelei i le fa’aleleia o le si’osi’omaga: vaiatafe, le fa’aleagaina mo fia sefulu o tausaga, ua uma ona fa’amamāina; o vaomatua i fanua fa’ale-aganu’u ua toe fa’aleleia; laufanua ua toe fa’amatagofieina, fa’afetai mo galuega toe fa’aleleia o le siosiomaga; fale matagofie ua fausia; fa’agasologa ua fa’atino i le gaosiga o le eletise e leai ni a’afiaga tugā ma le fa’aleleia atili o fela’ua’iga lautele. O nei fa’aleleia e lē foia ai fa’afitauli fa’alelalolagi, ae ua fa’aalia ai o ali’i ma tamaitai o lo’o agava’a pea i fefa’asoa’iga lelei. I o tatou tapula’a uma, i le fa’atinoga o le limafoa’i, le lo-togatasi ma le tausiga, e lē mafai ona lelei pe a lē manuia i totonu o i tatou lava, talu ai, ona na faia i tatou mo le alofa.

59. I le taimi lava e tasi e mafai ai ona tatou maitauina le alia’i mai o se mea e lē moni po’o foliga papa’u o le siosiomaga lea e lagolagoina e uiga faufualuga fa’apea mitamitaga lē fa’autauta. E pei ona masani ona tupu i vaitau o le ogaoga o vevesi lea e mana’omia ai fa’aiuga lototoa, ua fa’aosoosoina i tatou e mafaufau i mea o lo’o tutupu ae le’o manino atoa. E le o mautinoa lelei, e ‘ese mai nai lo fa’ailoga manino o le filogia ma le fa’aleagaina, e lē foliga mai o ni mea e tugā, ae o le a fa’aaauu pea le paneta pei ona i ai mo sina taimi. I lea femoumoua’iga e aveva pei o se laisene tatou te fa’aaauu ai pea ituaiga olaga o lo’o i ai nei fa’apea fa’atinoga o ituaiga gaōsiga ma le fa’aaogaāga. O le auala lenei ua fuafua tagata e fafaga ai lo latou lava fa’atafunaga leaga: e taumafai e ‘aua ne’i iloina i latou, e taumafai e ‘aua ne’i fa’alauiloaina, le tosoina o fa’aiuga tāua ma fa’alagi e leai se mea e tupu.

**e fa’aaauu pea..fa’aliliuina: Falefou Sio**

**O LE TUSI FOU LENEI A POPE  
FALANISISI E UIGA I LE OLA PAIA:  
I ANA UPU AUTŪ E 15.**

**I le tatou lomiga talu ai na fa’asalalau atu ai ulua’i  
upu autū muamua e 9, ae o upu autū mulimuli nei e 6  
mai i le *Gaudete et Exsultate*.**

**Upega Tafā’ilagi** (n.155): E mafai foi ona maua ia Kerisiano i auunaga o feso’otaiga i upu e ala i initaneti. E o’o lava i fa’asalalaua a le Katoliko, o tapula’a ua mafai ona fesopoa’ia, le fa’amanū’alia ma le taufa’aleaga ua mafai ona avea ma nofoaga masani, ma o tulaga uma fa’aaga-i-fanua ma le fa’aaloalo mo le igoa lelei o isi e mafai ona lafoa’i. O le taunu’uga o se fa’ata’ita’iga ogaoga, talu ai o mea e mafai ona tautalagia i ai o le a le talileleia i upu fa’alaua’itele, ma e sa’ili tagata e totogi lo latou lava lē fiafia e ala i le upuvale atu i isi tagata.

**Fa’aūtaga** (n.100,101): Ou te fa’anoanoa ona o mafaufauga e tata’i atu i ai i tatou i taimi i ni mea sēsē se lua. I le tasi itu, o lo’o i ai le sēsē o nā Kerisiano o e vavae’ese nei Evagelia mai a latou lava so’otaga ma le Ali’i, mai le tatala i lona alofa tunoa. O le Kerisiano e avea ma se ituaiga o NGO na ave’esea ai le malosi o le fa’amisitelio. O isi tugā fa’amatalaga sēsē e maua ia i latou o lo’o latou masalomaiaina le fegalegalea’iga lautele o isi, peisea’i o ni mea papa’u, fa’alelalolagi, fa’alaua’itele, fa’aletino, fa’akominisi po’o sui o tagata lautale.

**O e matitiva** (n.96, 97): I lenei vala’au ia iloa o Ia i e matitiva ma mafatia, ua tatou va’aia le fa’aalia i le finagalo o Keriso, ona lagona loloto ma ana filifiliga, lea e taumafai so’o se sagato e fa’ata’ita’i. Ua tu’uina mai nei manaoga e lē fa’amalosia e Iesu [e fesoasoani ai ia i latou e sili ona manaomia le fesoasoani], o lo’u tiute o le fesili i Kerisiano ina ia latou amanaia ma talia i latou i se aga-ga matala fa’amaoni, e aunoa ma se tomumu. I se isi fa’aupuga, e aunoa ma ni "pe afai po’o ni ae" e ono

fa’aitiitia ai lo latou malosiaga.

**Tagata ulufale/faimalaga mai** (n.102, 103): E masani ona tatou fa’alogo i fa’amatalaga e fa’apea, tulou e tusa ai ma le fa’atusatusaga ma le fa’aletonu o le tatou lalolagi i le taimi nei, o le tulaga o tagata faimalaga, mo se fa’ata’ita’iga, o se mataupu maualalo. Na o le pau lava le uiga lelei [mo se Kerisiano] o le suluina o se’evae o nai o tatou uso ma tuafafine o e ua lamatia o latou ola e ofoina atu se lumana’i i latou fanau. Pe le mafai ea ona tatou iloa o le mea tonu lava lea e finagalo Iesu ia i tatou, ina ua Ia ta’u mai ia i tatou o le taliaina o le tagata ese ua tatou talia o Ia? E le o se manatu na mafua mai i nisi o Pope, po’o fa’aילו suia fa’afuase’i.

**Tagata Faigofie** (n.108): O le sa’ili i le fa’amalieina o tu’inanau ma le aiā i le fa’aaogaina e mafai ona fa’amaonia lo tatou to’ilalo, auā o le a tatou popole lava na’o mea tatou te fiafia i ai, ma i’u ai ina tatou popole na’uā e uiga ia i tatou lava ma a tatou aiā. O le a faigata ia i tatou ona lagona ma fa’aalia so’o se popolega moni mo i latou e mana’omia le fesoasoani, se’i vagana ua mafai ona tatou tōtōina se ituaiga olaga faigofie, o le te’ēnaina o manaoga a’āsa o le sosaiete fa’aaoga.

**Malosiaga Fa’amisionale** (n.129, 130, 131): O le Ola Paia e lototoa, o se naunauta’iga e folafola atu le talalelei ma tu’ua se fa’ailoga i lenei lalolagi. Ua ofo mai e le Ali’i ia i tatou e fa’ama’imau o tatou ola i lana feau. Tatou te vaivai, ae tatou te umia se mea’alofa e mafai ona sautualasi ai i tatou ma avea ai i latou o e taliaina ia sili atu ma fiafia. O le malosiaga ma le lototele fa’a-Aposetolo o se vaega tāua o le misiona.

**(Fa’aliliuina: Falefou Sio)**



Ofisa Autalavou  
2018  
Pres: Thomas Nanai  
Vice: Lina Paulo  
Security: Faleseu  
Muavae  
Treasurer: Thomas  
Smith

## THEOTOKOS – MARIA LE TINĀ O LE ATUA

I le mae'a o le lima o seneturi, o le fa'anaunauga a Matini Lukelu sa i ai o le "ave'esea atoa lea o faigā tapua'iga ma vi'iga iā Maria ona o le so'onafai ma le lē fa'aaloalo ua tula'i mai ai," i le tele o va'aiga ua taunu'u lava ia faiga. Ae ui i ia fa'afituli e lē mafai ona tatou tia'ia o ia; ona o ona vi'ivi'iga ua mau a'a i a'oa'oga a le Ekalesia. O le mea lea e mafai ona toe fa'afou, ma o le fesoasoani tele i lona toe fa'afouga fa'aleaganu'u o le fa'amanino lelei lea fa'atelosia. Ona tatou toe fo'i lea i le taimi na mua'i a'oa'o ai e le Ekalesia pe fa'apefea ona tatou tautatala e uiga ia Maria.

Ia Tesema o le tausaga 428, o se ositaulaga e igoa iā Proclus i sana lauga ta'uta'ua na vivi'i ai Maria o le *Theotokos* ("O ia na fanaua le Atua"). E ui o lenei fa'aupuga sa fa'aoga mai i seneturi ua tuana'i, o le sa ta'ita'ia le sauniga, o Pateriaka Nestorius, sa lē fiafia. O Nestorius na fanau i Peresia ma sa a'oga i Anitioka ma tuleia malosi le itu tagata o Keriso ma fa'amanino lelei mai le va o le Upu a le Atua ma le tagata o Iesu Keriso. Fai mai o ia e suia Thetokos – Maria le Tina o le Atua, i le *Christological* – "Maria na tauavea Keriso." Ae o lenei faiga e mana'omia se toe su'esu'e i le tagata o Iesu, ma o le a tutupu mai ai nisi fa'afitauli. O nei fa'amatalaga na o'o atu i le 'a'ai o Alexandria, o lo'o nofo ai se epikopo e suafa ia Sililo na finau malosi ma tete'e atu I lea mau ma o sē ua puipui i le fa'alagiga o Maria – *Theotokos*. I le mae'a o le Fono Aoao i Efeso na fa'amautū ai le finauga, na folafola ai ma ulua'i a'oa'oga o Maria: o Maria o le theotokos – le Tina o le Atua ona na fanaua le Upu Liutino, o le Atua lea. O Tinā e fanau maia tagata, ae le o natura: o ia la o le Tinā o le Atua.

O le Fono Aoao i Efeso na fa'amanino lelei mai ai iā i tatou le fatu o a'oa'oga ma tapua'iga ia Maria. O Maria o le moni fa'amataupu tau ia Keriso. O lona mafuaga muamua i lona ola fa'akalasia ole tauavea lea o le galuega a le tinā mama-na, ia avea ma *Theotokos* – Tinā o le Atua. I le ogatotonu o le tala fa'asolopito ole fa'aolataga, sa ia tali mai ai i lona taliaina ina ia 'au ai i lenei fuafuaga mamana. O vaega lelei

uma o lona olaga, o le fa'aeaea ma vi'ivi'iga ua avatu ia te ia, ua tafe mai i lenei galuega tāua. E le'i soifua mai mo ia lava, ae ia fanaua le Alo o le Atua; o lea ua fa'aeaea ai e le mo ia lava, ae mo le vi'iga o le Alo o le Atua.

O le tusi tala mai le seneturi lua o Tertullian na tu'ufā'atasia fa'aupuga *caro est cardo salutis* – "o le tino o le fa'amau lea o le fa'aolataga." O le molimau a Kerisiano ua fa'amau lea i le tulaga na atoatoa ona tau'ave e le Atua le natura tagata. O le mafua'aga lea e le fa'ate'ia ai, i ulua'i seneturi ina ua puipuia lenei a'oa'oga, o le fafine na fanaua le tino o le a avea ma se mataupu mo ni talanoaga. Ae o Maria e lē o se fa'amataupu fa'a – Keriso; o ia o le malosi autū ua puipuia le fa'amau tonu o le fa'aolataga. A aunoa ma Maria, o le tagata o Iesu Keriso ua na o se manatu, ua fa'āta maia le tino, e pei ona fai mai ai Aukusitino, "e le moni".

A o tatou pasia le lima selau tausaga o le fa'amanatuina ole Fa'afouina, tatou te toe manatuaina o le *Theotokos* ua na aumaia e le gata o le manatu autū o le fa'auigaina i le seneturi lima o fa'aletonu o mataupu fa'a – Kkeriso, ae o se pou - fa'aailoga mo lo tatou fe'ese'esea'iga fa'atalitonuga i nei aso. E pei ona tusia e Sagato Ioane Paulo II, o le *Theotokos* ua "fa'aailoa mai ai le lelei atoatoa o le uiga o le fafine, o le tulaga tau fafine." Ua nā o le fa'ata'ita'iga fafine o le *Theotokos* ua mafai ai ona tatou malamalama atoa iā i tatou lava o ni foafoaga, malamalama atoa o Keriso o le Atua – tagata, ma i le talia ma le agamalū, ulufale atu fa'amaoni i le tatalo a Keriso ina ia tasi i latou uma.

## SAKALAMETA

### O le Piliota Fa'apateliata (pe tusa ma seneturi 2 – 6 CE)

Toetoe lava o le 'au tusitusi Kerisiano o le vaitaimi e pei ona ta'ua i luga, o epikopo, e masani o ni tagata pito sili le a'oa'oina lelei inā aso. Sa ta'ua i latou o 'Tamā o le Ekalesia', o *pateres* Eleni; le mafuaga o le upu pateliata (patristic). I lo latou ta'ita'iga na tuputupu a'e sakalameta o ni sauniga fa'afa'ailoga, ma se ulua'i taumafaiga e fa'amatala fa'afilosofia.

O Tertullian, sa tusitusi e tusa ma le 210 CE, na amata ona fa'aogaina le upu *sacramentum* e fa'amatala ai le fuafuaga Kerisiano o le fa'a'aulufale. Sa ia so'ota'i le 'ola fou' o le Kerisiano ia Keriso ma le ola fou o le tautōga sa faia e fitafita Roma ina ua ulufale atu i le vaega o fitafita. I le tolu o seneturi ua fa'aogaina e le 'au tusitusi Latina le upu lenei e fa'amatala ai sauniga Kerisiano ma le upu *mysterion* e fa'amatala ai misitelio o le fa'atuatua.

A maitauina, o nei upu i le gagana Eleni ma le Latina o lo'o fa'aogaina e fa'amanino ai o le *sacramentum* (*sacramenta* pe a tele) e pei ona fa'aoga i le vaitau anamua sa i ai sona

uiga fa'alaua'itele i lo le upu sakalameta i aso nei i le fa'aogaina e le Katoliko. E mafai fo'i ona fa'amatalaina nisi o sauniga a le lotu fa'apea ni vaega tāua o se sauniga.

O le taofi o le sakalameta o se fa'aailoga o le fa'ataunu'uga, o se faiga e mafai ona fa'ataunu'ua mea ua ia fa'aailoa maia, o se fa'ata'ita'iga e galue mai le Atua e ala mai ai, sa taliaina o se mau fa'atelosia i lena taimi. O le taunu'uga o sakalameta 'ese'ese sa lagonaina o ni taunu'uga moni; sa iloa, va'aia ma molimauina e isi. E ala i le fa'a'aulufale i le aiga Kerisiano, sa suia ai lava tagata. Sa amio 'ese mai ai, sa 'a'ai fa'atasi ma manatuaina Iesu ma na avea lea ua pei ai o latou amio o Iesu. O nei masani na moni, ma na tuputupu mai ai le talitonuga o nei sauniga ma tāga (*sakalameta*) na tatau ai mo le fa'aolataga.

I lenei lava vaitau sa tula'i mai ai ni fesili e uiga i faiga fa'asakalameta sa mafua ai ona fa'aosofia epikopo e fa'alaua'itele o latou malamalama'aga i mataupu silisili i tua atu i lo fa'amatalaga fa'atauva'a na maua i le Feagaiga Tuai. Aemaise lava le talitonuga o se fa'amaufa'ailoga tumau fa'asakalameta po'o se uiga fa'aletagata na tuputupu

# SAKALAMETA

a'e i le tali atu i fesili e pei ona ta'ua i lalo:

le ā le uiga mai le Tusi Pa'ia pe fai mai o Kerisiano ua fa'amau ma le Agaga Pa'ia'?

Aisea i nisi o sakalameta, e pei o le papatisoga ma le fa'au'uga o ositaulaga e lē fa'alua ona faia mo se tasi?

I le alualua'i o seneturi e tele o le malamalama'aga fa'afilosofia o lenei fa'amau tumau ua suia. Na fa'aofiofi malie mai le sa'asa'a o le vai i le papatisoga ua feso'ota'i ai ma le sasa'a mai o le Agaga i luga o lē ua papatisoina, ma le fa'asuau'uina i le fa'afulufale ma sauniga o le fa'au'uga ua feso'ota'i fo'i ma fa'amau e le Agaga. O le tu ma le aganu'u i na vaiata o le fa'ailogaina po'o le tatauina e

fa'ailogaina ai fitafita, po'o le fa'amauina o ni mata'itusi i le ga'o o sela na feso'ota'i fo'i i lenei fa'amau fa'asakalameta. Na talia fa'apea, ona o le fa'amau na avatu i le papatisoga ma le fa'au'uga e tumau, pe afai o le sauniga sa fa'atinoina i le 'auala sa'o, o nei sakalameta e lē toe fa'alua ona fa'atinoina. Na avea lenei ma malamalama'aga fa'a-Katoliko i nei sakalameta.

## O MAREKO I FAITAUGA (FA'AAUAU MAI LOMIGA TALU AI)

**O le vaiataimi e pei ona fa'amatala e Ioane: O Iesu o le falaoa o le ola**

O faitauga na fa'amatala (lomiga talu ai), na mulimuli mai ai le fa'amatalaga o le fa'ateleina o falaoa (6: 31-44). I le taimi la lenei i le tala ia Iesu, e ui i lea, ua suia loa faitauga i le evagelia a Ioane mo le vaega lona fa o le tala a le tusi evagelia o lenei vavega o le fafagaina (6: 1 – 15) ma tala na mulimuli mai ai mo Iesu (6:24- 69, mo le vaiata o le fa vaiaso). O le fa'amatalaga a Ioane ua toe fa'amanatu mai ai le Salamo 23, ina ua fa'anofo e Iesu le motu o tagata i lalo le mutia (Ps. – 'vao mu'a'); e le gata i lea o Iesu lava na fafagaina le motu o tagata, avatu i ai le anoanoa'i o mea 'ai e pei ona manana'o i ai (cf.Ps.23:1 – e leai se mea ou te mativa ai'), ma le sefululua ato tutumu i mea'ai na totoe. O lea la na fa'amamafa mai e Ioane le matafaioi a Iesu o se Leoleo Mamoe e agalelei ua aumaia le fa'ateleina o le ola.

I lana fa'amatalaga o le vavega o Iesu e Ioane ua fa'amatala o ia o le falaoa moni ua sau mai le lagi, le 'areto o le ola' (6:35). O Iesu o lē e fa'aalia le alofa o le Atua ma lē ua foa'ia maia le ola ona o ia o lē 'mai le Tamā (4: 46), le na fa'ailoa mai le Tamā (1:1, 18). O le mea lea, a tu'u i se fa'avae tāua lava, o Iesu o le areto o le ola ona na ala mai iā ia – e ala i lona liutino tagata, ola, malii ma lona toetū – na foa'i mai ai e le Atua le ola.

Na fa'aaaua e Ioane ma fa'amanino mai o le Eukalisitia o se fa'amanuiaga tele lenei e feiloa'i ma talia ai Iesu, o le areto o le ola (6: 51 – 58). O le Iesu a Ioane e fa'aogā ni fa'aailoga va'aia o le 'ai o le tino' ma le 'inu o le toto'. O le Eukalisitia o le mea 'ai moni lava, o se 'au ai moni fa'atasi i lona tino ua tofitofi ma le toto ua sasa'a mai, o lana taulaga o le alofa i luga o le koluse. I le toe fo'i i le tala o le fa'ateleina o falaoa, e tāua tele le auina atu e Iesu o le 'au so'o e toe ao mai mea 'ai na 'totoe.' O le upu na fa'aogā (*klasmata*), o le upu fo'i lea na fa'amatala ai nutinutiga o le Eukalisitia.

O le faitauga mulimuli ua tovā ai e Ioane (6: 60 – 69) o lo'o aofia ai sini na fa'alua'ite le ma fa'aatoatoa mai e le afa lona lua a le evagelia a Mareko. O le mea lea ua talafeagai ai le so'otaga iā Mareko e aunoa ma se motusia. O le sini muamua e so'ota'i lea iā Keriso. I le Ioane 6: 69 ua fa'ailoa mai ai e Peteru o Iesu o le 'Pa'ia o le Atua' – o lē mai le Atua ma o lo'o i ai le Agaga o le Atua, o le ua tu'uina atu e le Atua mo le galuega o le fa'aolataga. Tatou te va'ai fo'i e fa'aigoa e Peteru Iesu o le 'Mesia,' o le e faia pea lava o

mea lelei ile Atua, Mareko 8.29, e ui e le malamalama atoatoa Peteru i le uiga loloto o lenā tala. O le sini lona lua o le lu'itau o le fa'aso'oina. E pei ona fa'ailoa mai le vaega o le 'ala' i le evgaleia a Mareko o se fa'aupuga e faigatā (Ioane 6: 60), e to'atele e lē taliaina.

**O le 'vaega o le ala'**

O le 'vaega o le ala' a Mareko (8:22 – 10: 52) e femilosa'i lona fa'atulagaina aga'i i valo'aga e tolu e uiga i le puapugā a Iesu (8: 31; 9: 31; 10: 33 – 34). E soso'o mai i valo'aga o pasio ta'itisi se va'aiga mai le 'au aposetolo o lo'o ta'u mai ai le lē malamalama: Na vavao atu e Peteru iā Iesu ina ua fa'aali e Iesu e tatau ona puapugatia ma malii (8:32); na feifinau le au so'o po'o ai o latou e sili (9: 33); o Iakopo ma Ioane ua 'ai'oi atu iā Iesu e nonofo i autafa o Iesu ma le manatu o Iesu o le a ulufale atu i Ierusalem o se mamalu fa'amesia (10: 35-37). O le lē malamalama i mea o lo'o fai mai ai Iesu e uiga i lona puapuga ma le malii o lo'o foufou mai na maua ai ma le avanoa a Iesu e a'oa'o atu ai le loloto o le uiga o le mulimuli iā te ia.

E pei ona maitauina muamua, o le fa'amatalaga a Mareko o Iesu i le afa muamua o lana evagelia ua fa'ailoa mai ai le malosi o ana upu ma galuega e fo'ia ma fa'ato'ilalo i malosi'aga o lo'o tete'e i le aumaia o le malō o le Atua. O le mata'aga autū la ua aga'i i le malosiaga a Iesu, ua ta'ua o le malosi e mamana o lo'o galue e ala i lona puapugatia ma le malii e maua mai ai le ola. Na fa'aali e Iesu o ia o le Alo o le Tagata e tatau ona puapugatia ma fasiotia, ona toe fa'atuina lea mai le oti. Ona o le Alo o le Tagata, ua sau ina ia 'aua ne'i 'au'auna atu i ai, ae ia 'au'auna atu ma foa'i lona ola o se 'totogi' mo le to'atele (Isa 53: 11 – 12). Ina ia mautinoa o le Iesu a Mareko o le Alo fo'i o le Tagata na fa'amamaluina o le a toe fo'i i lona mamalu e aumaia le atoaga o le fa'aolataga. Ae le o se mea fa'afuase'ia le aumaia e Mareko o se sesē muamua fa'aletagata o le fa'ailoaina o Iesu i le taimi o lona malii: "E moni o le Alo o le Atua lenei tagata (15: 39). I le evagelia a Mareko ua malamalamaina leleia o Iesu o se Mesia puapugatia.

O le a le uiga o le avea ma ē e mulimuli i se Mesia? Na a'oa'o Iesu i ona so'o ina ia tauave o latou satauro, fa'amaumau o latou ola ona o ia (8: 34 – 35). I nisi o fa'aupuga aua ne'i sa'ili le ola i mea e manatu e maua i ai – o le 'oa, pule, ma le ta'uta'ua – ae i le mulimulita'i i ala a Iesu - alofa fua, o se auala e a'afia ai latou e tete'e ma le puapugatia (10: 38- 39). O se fa'aaliga mausalī o lenā alo-



## O MAREKO I FAITAUGA

fa o le a'oa'oga a Iesu iā i latou ua mulimuli iā te ia ia avea ma 'au'auna i isi, e o'o – lava – ae maise – i latou ua i le taufa'a'si'usi'u o le sosaiete. I le faia fa'apea, ua mulimuli le 'au so'o i 'auala a le Alo o le Tagata na sau e 'au'auna. O le a "ali'i ta'i i latou" ae le pei ona iloa ai e le lalolagi nei (10: 42 – 44).

O le 'vaega o le ala' ua tu'uina mai ai 'auala mautū o se faiga fou o le vala'au a Iesu i le fa'aso'o'ina ina ia fa'atulafonoina. O lana tali i le fesili e uiga i ulugali'i tete'a (10: 1 12), i se tasi o manatu, ina ia fa'ailoa le manatu a le 'au pateliaka e lē fa'avaea i ni manatu lelei fa'apea le lē faimea tonu i fafine. I le isi manatu o ana a'oa'o ile pa'iaga ma le tausiga o folafolaga o fa'aipoipoiga ua lu'itauina ai ulugali'i ma aiga ina ia ola ai i fa'atonuga a Iesu e alofa atu, talia ma 'au'auna atu le tasi i le isi i totonu o a latou aiga. O le tala e uiga i se ali'i talavou mau'oa (10: 17-22), i se tasi tulaga, o tala mata'utia e uiga i se tagata ua ulufia e ana 'oa ma ua lē taliaina le vala'au a Iesu e mulimuli atu iā te ia. O le isi tulaga o le vala'au i le fa'aso'o'ina ia fa'aoga e ala i le fa'aogaina o mea uma ua maua e se tasi – oloa, o mealofa ma taleni – e alofa atu ai ma 'au'auna atu i isi, aemaise le 'au matitiva.

O le 'vaega o le ala ua si'omia e tala e lua o le fa'apupulaina e Iesu o le ali'i tauaso. O le tala muamua na taumafai ai Iesu e

fa'amalolo se ali'i na va'ai ae le'i atoatoa (8:22 – 26), ua fa'ailoa mai ai le faigatā iā i latou e mulimuli iā te ia ona maua i le taliaina o se Mesia puapuagatia ma ana a'oa'oga o le fa'aso'o'ina e a'afia ai ma le ala o le koluse. O le mea lea, o se vaega tāua o le 'fa'atasi ai' ma Iesu o le tu'uina atu lea mo ia ina ia ave'eseina 'auala ua tatou tauaso ai po'o auala ua tatou te'ena ai lona ia fa'aalia mai ma le vala'au mai ina ia tatou mulimuli atu iā te ia. O le tala lona lua, o le fa'apupulaina o mata o Patimaio (10: 46 – 52), o le na toe va'ai ma na mulimuli atu iā Iesu 'i le ala' – o le 'ala lea ' i Ierusalem le nofoaga e puapuagā ma maliu ai Iesu, ma o se fa'ailoga, 'i le ala ' aga'i atu i se fa'aso'o'ina moni.....*fa'aauau atu i pea....*

## SAGATO ANTONIO SAKARIA

(OSITaulaga 1502 – 1539)

9



I LE TAIMI TONU NA OSOFA'IA MA TAUFAlFAI AI Matini Lutelu i le Ekalesia, o se suiga i totonu o le Ekalesia ua amata ona taufa'atino. O se tasi sa tete'e atu i nei suiga o Antonio Sakaria.

Na avea lona tinā o sē ua oti lana tane i le 18 o ona tausaga ma na tu'u atu atoa lona ola i a'oa'oga fa'aleagaga a lana tama. Sa ia maua se fa'ailoga maualuga i mataupu tau fa'afoma'i i le 22 o ona tausaga ma, a o galue mo tagata matitiva a lona nu'u o Cremona, na tofiga i le tofiga fa'alelotu fa'aposedolo. Sa ia te'ea uma ni aiā tatau i mea na tu'u mai e lona aiga mo le lumana'i, galue o se faia'oga i mataupu tau o le Katesimo ma fa'au'u o se ositaulaga i le 26 o ona tausaga.

Na vala'auina i Milan mo nai tausaga, ma na ia fa'avae ai ni ituaiga se lua, tasi mo ali'i ma le tasi mo tama'ita'i. O le taumafaiga ina ia toe fa'afou le sosaiete ua fa'aletonu lona tulaga inā aso, amata mai i le 'au fai tofi o le lotu.

Sa telē le fa'aosofiaina e Sagato Paulo (o lana fa'apotopotoga sa fa'aigoaina o le 'au Banapa, igoa o le uō a le sagato), sa a'oa'o atu ma le malosi i falesa ma auala, sa fa'atino ni galuega lelei ma sa lē mā e faia ni togisala i nofoaga faitele.

Sa ia fa'amalosia se faiga fou o le galulue fa'atasi o le tagatā lotu ma le 'au fai tofi, komunio i aso uma, le Fasefulu itula o tapua'iga ma le tāina o le logo a le falesa i le 3.00 i le aoauli i aso Faraile.

O lona pa'iaga sa suia ai olaga o nisi, e pei o sagato uma lava, ae sa fa'aosofiaina ai nisi e tete'e atu i ai. Fa'alua ona su'esu'eina ana ituaiga ma na fa'alua fo'i ona fa'amagaloina.

A o aga'i atu i se galuega mo le filemū, sa a'afia i se ma'i tigaina tele ma na toe fa'afo'i mai i lona aiga e asiasi i lona tinā. Na maliu o ia i Cremona i le 36 o ona tausaga.

## MO TINA UMA A LE MATAGALUEGA

## FAITAUGA MO LE MASINA IULAI 2018

I Faitauga ua aumai mo aso sa i le patipatia o le Eukalisitia, ua tu'uina mai e le Ekalesia ni suiga ma se talisuaga i le tusitusiga pa'ia ma, e ala mai ai, se avanoa e tomanatu ai i ni sini autū o la tatou talitonuga Kerisiano ua fa'aleleia atili i aganu'u sa tu'u lima mai iā i tatou i augatupulaga ua tuana'i.

O le vaitau la lenei ua tatou suia le Evagelia pu'upu'u a Mareko mo le lima vaiaso i se vaega mai le Evagelia a Ioane. E tele lava e mai le mataupu ono – tala a Iesu i le 'Falaoa o le Ola' ua tatala mai ai le telosia a le tusi evagelia e uiga ia Iesu o le "Fa'aaliga" a le Atua, ma ana a'oa'oga e uiga i le Eukalisitia. O se vaega tāua lenei e aogā le tomanatunatu i ai o se vaega atoa ae le'i va'ava'ai i vaega ta'itasi ua tu'uina mai i faitauga. Ae le gata i lea o le tele o le piriota ua ofoina mai le tusi matagofie a Paulo ia Efeso. E le pei o le tele o tusi a Paulo, o le tusi lenei e i ai le fa'atulagaga ma le fīnauga e mana'omia tele le va'ava'ai toto'a i ai. E matuā talafeagai mo sē ua fa'alogo i ai po'o sē e a'oa'o atu e manatunatu i le tusi atoa ae le'i iloiloina vaega ta'itasi; o se galuega lelei lea i vaiaso ta'itasi.

### ASO I IULAI ASO SA 13 TAUSAGA MASANI:

Faitauga muamua: Poto 1: 13 – 15; 2: 23 – 25. Matua: O le matau'a o le tiapolo ua ulu mai ai le oti i le lalolagi

Salamo: 30: 1, 3 (tali), 4 – 5 (tali), 10 – 12 (tali). Tali: Le Ali'i e, 'ou te vivi'i atu iā te oe, auā ua e fa'aeaina a'u.

Faitauga lona lua: 2 Korinito 8: 7, 9, 13 – 15. Matua: Ia fesoasoani lo outou tamā i lo latou mativa.

Aleluia, Aleluia...O au afioga o le agaga ia, o le ola fo'i ia; o iā te oe upu o le ola e fa'avavau...Aleluia.

Evagelia: Mareko 5: 21 – 43. Matua: Funa e, 'ou te fai atu iā te oe, ia e tula'i.

#### ***Tofitofiga o le Upu:***

O faitauga o le asō ua vala'auina lē o lo'o faitau e tomanatunatu i le misitelio o le oti o le tagata i le malamalama'aga i a'oa'oga Kerisiano. O le faitauga pu'upu'u mai le tusi o le Poto o lo'o fīnau manino mai o le oti e lē o se vaega o fuafuaga a le Atua. O le tala mai le evagelia i le fa'atuina mai o le afafine o Iairo le pule o le sunako, mai le oti ua maua mai ai se fa'amaoniga autū o mea na tutupu ona o taumafaiga leaga a le tiapolo ua fa'ato'ilaloina e Iesu. O le to'atele ua fa'alogo i lenei faitauga atonu sa i ai i ni falelauasiga ma sa taumafai e malamalama, po'o ua fa'alogo i fa'amatalaga o lo'o taumafai e fa'amatala pe aisea i sē ua alofagia ua maliu ai. Ae o le lenei lava olaga e feagai lava le tagata ma le misitelio o le oti, ma e taumafai e malamalama i ai. Ae o le evagelia e le mana'o e aumaia se tali fa'atauva'a; e pei o latou ua feagai ma le fa'anoanoa ona o le oti, e leai ni tali fa'atauva'a. O le mea o lo'o aumai e le evagelia – e pei o i'inei – o le fa'amausalīina o le ola iā Keriso. E leai se fa'amatalaga mai ia Iesu, leai se tali, na ona aumai o le ola: 'Funa e, ou te fai atu iā te oe, ia e tula'i.' O upu mulimuli ua fa'amalosia ai le taofiofi e fa'amatala – e leai se tala latou te faia, ae o le teineititi e tatau ona fai sana mea'ai!

O faitauga ole asō o se avanoa e tomanatu ai i le misitelio o le oti – ae lē o le taumafai e fa'amatala pe taofiofi, ae ia maitauina ma fa'a'ailoa o Iesu e i ai lona malosī'aga i le oti. O le mea lena o lo'o folafola mai e le evagelia lenei, o mea lena o lo'o fa'amausalī e le Eukalisitia o lo'o patipatia, o le mea lena e mana'omia e le tagata fa'atuatua ona fa'alogo i ai: 'Aua le fefe; a ia fa'atuatua.

# FAITAUGA MO LE MASINA IULAI 2018

## ASO 8 IULAI ASO SA 14 TAUSAGA MASANI

Aso Sa 14 Tausaga Masani: Faitauga muamua: Esekielu 2: 2 – 5.

Matua: O le aiga fouvale i latou, latou te iloa sa i ai le perofeta iā te i latou.

Salamo: 123: 1 – 2 (tali), 3 – 4(tali). Tali: Ua va'ai a'e o tatou mata i le Ali'i, se'ia alofa mai o ia iā te i tatou.

Faitauga lona lua: 2 Korinito 12: 7 – 10. Matua: 'Ou te mitamita i mea ua 'ou vaivai ai, ina ia tumau i o'u luga le mana o Keriso.

Aleluia, Aleluia...O a'u nei o le malamalama o le lalolagi; o lē mulimuli mai iā te a'u e iā te ia le malamalama o le ola...Aleluia

Evagelia: Mareko 6: 1 – 6. Matua: E leai se perofeta e lē mamalu, na o lona lava nu'u e lē mamalu ai.

### ***Tofitofiga o le Upu:***

E masalomia e to'atele le 'au fa'atuatua e maua i ni lagona o le fa'anoanoa ma le faigatā o le olaga mai lea taimi i lea taimi e ui o la e taumafai e ola a'i e pei ona aumai e le evagelia. O faitauga e tolu o le asō ua fa'amanatu maia le moni, e lē o ofoina maia se olaga alu lelei ona o le talitonu. Ae o faitauga ua tu'uina maia se manatu ua fa'afesaga'i. O le olaga o le perofeta o Esekielu sa fa'ailogaina e avega mamafana na avatu i ai e le Ali'i – ma o lona fa'amaoni na 'tauia' i le fa'anoanoa ma le mafatia. E le'i avatua fo'i i ai le fa'amafanafanaga o ana upu o le a aogā. E ao ona ia perofetaina 'pe latou te fa'alogo pe leai'. O Paulo sa avatu atoā lona ola ma lona malosi i le folafolaina o le evagelia ua fa'aosofia e le misitelio o le 'mea matuitui i le tino'. E maofa - ae leai se uiga – e mafaufau ai po'o le ā. E lē tāua lea – o le mea taulia ua tu'uina fa'atasi ma le upulegaina, meafa'atigā, faileagaina ma tigā na ou o'o i ai ona o Keriso. Ae o na mea uma e leai se tāua ona 'O la'u kalasia ua lava lea mo oe.' Na o'o lava ia Iesu ia i lona nu'u sa te'ea o ia. O Esekielu, Paulo ma Iesu sa tu'uina atu i ai le upu a le Atua, ma o lona upu e lē aumaia se fa'amafanafanaga i lē e folafolaina. O se tali aupito leaga i le tigā o le te'ena, o le taumafai lea e fausia ni upu e tau foliga e aumaia se fa'amafanafanaga – ona ave lea e le o ni upu a le Atua ua ofoina mai le atoaga o le ola, ae o upu a le tagata e noa e leai ni uiga.

## ASO 15 IULAI ASO SA 15 TAUSAGA MASANI:

Faitauga muamua: Amosa 7: 12 – 15. Matua: Le tagata va'ai e, alu ia, ina e vavalo i o'u nu'u o Isaraelu.

Salamo: 85: 8 – 9 (tali), 10 – 11 (tali), 12 – 13 (tali). Tali: Le Ali'i e, ia e fa'ailoa mai iā te i matou lou alofa; ia e foa'iina mai fo'i iā te i matou le olataga mai iā te oe.

Faitauga lona lua: Efeso 1: 3 – 14. Matua: Na ia filifili mai iā i tatou ona o Keriso, a o le'i fa'avaeina le lalolagi.

Aleluia, Aleluia...O a'u nei o le malamalama o le lalolagi; o lē mulimuli mai iā te a'u, e iā te ia le malamalama o le ola..Aleluia.

Evagelia: Mareko 6: 7 – 13. Matua: Ua vala'au atu Iesu iā te i latou.

### ***Tofitofiga ole Upu:***

O le faitauga manaia mai Efeso o lo'o vala'auina Kerisiano e fiafia ina ua filifilia – filifilia e le Atua iā Keriso. O le agaga fiafia a Paulo ua susulu atu lea i tagata – ma sa tatau ona pa'i atu iā i latou uma sa fa'alogologo a o folafola i le Sauniga. O lo'o i ai se mana'oga fa'aletagata ina ia filifilia – ma e le fa'apea ona e sili atu i lo isi – o lo'o fa'aalia le fa'ailoa mai o lou lava tagata. O le mafuaga lenā ua tatou manino lelei ai i lo tatou fa'atuatua Kerisiano: na filifila fa'apitoa ma le mautinoa e le Atua tagata ta'ito'atasi – ma le anoanoa'i o isi – ona o le alofa.

E le fa'ape la ua filifilia ona faigofie ai lea o le olaga – o Amosa o se tagata na vala'auina mai lona olaga masani e ave ma perofeta na feagai atu ai i le te'ena mai le malō o lenā vaitau.

Ma le to'asefulu ma le lua mai le evagelia fo'i – na filifilia mo le galuega faugatā o le folafolaina o le salamō, ma na fa'ailoa atu i ai o le a i ai ni nu'u o le a te'ea i latou ma le amana'iaina o a latou a'oa'oga. Ae ui i lea, o se vaega o le filifilia o le fa'atino lea o le galuega ua tofia ai. o Amosa ma le to'asefulu ma le lua sa talia leleia le te'ena ona o le 'oa o le kalasia' na sasa'a atu iā i latou. So'o se Kerisiano lava ua fa'aosofiaina i upu a Paulo e mafai ona tali atu i lenā vala'au ona o le mamalu o le kalasia ua talia – o le mea alofa e foa'i fua mai mo i tatou i le alofa.

# FAITAUGA MO LE MASINA IULAI 2018

## ASO 22 IULAI ASO SA 16 TAUSAGA MASANI:

Faitauga muamua: Ieremia 23: 1 – 6. Matua: ‘ou te fa’apopototo i e totoe o la’u lafu mamoe; ou te tofia fo’i mo i latou o leoleo mamoe.

Salamo 23: 1 – 3 (tali), 4 (tali), 5 (tali) 6 (tali). Tali: O le Ali’i o lo’u leoleo mamoe o ia; e leai se mea ‘ou te mativa ai.

Faitauga lona lua: Efeso 2: 13 – 18. Matua: O ia lava o lo tatou leleiga, ua na faia ia tasi e sa fa’alua.

Aleluia, Aleluia... O a’u mamoe e fa’alogo mai i latou i lo’u leo, ua ‘ou iloa fo’i i latou, ua latou mulimuli mai fo’i iā te a’u... Aleluia.

Evagelia: Mareko 6: 30 – 34. Matua: Ua fa’apei o mamoe i latou e leai so latou leoleo.

### ***Tofitofiga o le Upu:***

O le fa’atusa o le leoleo mamoe i le tusi pa’ia ua tatou masani ai, ma e to’atele fo’i ua fiafia ma masani i le Salamo o le asō – O le Ali’i o lo’u Leoleo Mamoe. Ae o le tagata o le leoleo mamoe o se lu’itau – fa’apea o se fa’amafanafana i le au fa’atuatua. O le faitauga mai iā Ieremia ua si’isi’i atu ai le lu’itau i upu muamua ‘Oī Talofa i le ‘au leoleo mamoe’. O lo’o tautala atu i ta’ita’i o Isaraelu ua fulitua i le vala’auina ma mamoe sa tu’uina atu i la latou tausiga. E i ai tagata o le a fa’alogo i faitauga nei i le Misasa sa fa’alogoina le mafatia i le ti’aiina e le ‘au leoleo mamoe – ma atonu e sili atu le leaga i lo le tia’iina. Ma o latou uma e i ai le tausiga fa’alafulemū, atonu o le a a’oa’o ai i nei upu, e ao ona lu’itauina ai. O mamoe a le Ali’i, ma o le Ali’i o le a fa’amasinoina i latou sa tu’u atu i ai le fa’atuatuga e leoleoina i lona suafa – o le lu’itau lenā ma o se lu’itau e ao ona tauave ma le loto atoa. E le gata i lea o lo’o fa’amafanafana le Atua iā Ieremia o lo’o a’afia ai ma ia fo’i: ‘Ou te fa’apopototo fo’i...ou te tofia fo’i mo i latou o leoleo mamoe...e leai so latou e lē iloa’. I si manatu o le faitauga mai iā Mareko ua fa’amalosia ai lenā fe’au. O lo’o fuafua Iesu e ave ona so’o na o ia i se nofoaga lilo, ae o le motu o tagata ua iloina ma mulimuli atu i ai. Ua fa’amatalaina i latou o ni mamoe ua leai se leoleo mamoe, masalo ona e leai so latou ta’ita’i ma na fa’asaga atu loa Iesu e a’oa’o mo se taimi umi. Atonu e to’atele nisi e fa’alogo i nei upu i le aso Sa nei ua pei o ni mamoe e leai se leoleo mamoe. E aoga ona tomanatu i ai pe fa’apefea ona maua mo latou nei a’oa’oga.

## ASO 29 IULAI ASO SA 17 TAUSAGA MASANI:

aitauga muamua: 2 Tupu 4: 42 – 44. Matua: Latou te ‘a’ai, ae totoe lava.

Salamo: 145: 10 – 11 (tali), 15 – 16 (tali), 17 – 18 (tali). Tali: Le Ali’i e, o lo’o e fa’amafola lou ‘a’ao ma fa’ama’o’ona i matou.

Faitauga lona lua: Efeso 4: 1 – 6. Matua: E tasi le tino, e tasi le Ali’i, e tasi le fa’atuatuga, e tasi le papatisoga.

Aleluia, Aleluia... O a’u mamoe e fa’alogo mai i lou leo, ua ‘ou iloa fo’i i latou, ua latou mulimuli mai fo’i iā te a’u...Aleluia.

Evagelia: Ioane 6: 1 – 15. Matua: Ua tufatufa i e ta’o’oto, ua avatu faitalia i latou.

### ***Tofitofiga o le Upu:***

O le evagelia o le vaiaso ua tuana’i na fa’ai’u i se nofoaga sa tau fa’amatala ai e Mareko le vavega o le fafagaina o le motu o tagata sa mulimuli atu iā Iesu. O latou na saunia faitauga ua aumaia Ioane mo lea fa’amatalaga, ona tu’uina maia lea o le talanoaga na mulimuli mai ai. I le telosia a Ioane o galuega a Iesu ua le fa’amatalaina o ni vavega ae o fa’ailoga, ma o fa’ailoga e tatau ona fa’amatalaina ma malamalamaina ma o vaega ia a Iesu e fai i tusitusiga a Ioane. I le masani ai o fa’amatalaga a Ioane o mea na tutupu o ni fuafuaga uma ia a Iesu – ma o le fa’atinoa atoa o ia gaoiga, o Iesu lava e fuafuaina mea uma lava e tutupu. E masani ai fo’i o le Iesu a Ioane le fa’aupuga ‘ua ia silafia lelei le mea o le a ia faia.’ O lo’o ta’ua mai ai o gaoiga uma lava a Iesu e le o se manatu fai fa’afuase’i i se tulaga ua mana’omia, ae o fuafuaga lelei o le fa’atinoina o a’oa’oga, i le fa’aogaina o le fafagaina o le motu o tagata o se avanoa e fa’ailoa atu ai le misitelio o Keriso.

O le faitauga pu’upu’u muamua mai le tusi e lua o Tupu ua aumaia se fa’atomuaga o le fafagaina o le to’atele ae itiiti lava – ae aoga le maitauina ua na o Ioane – ae lē o evagelia sinopi e tolu – o lo’o talanoa mai o areto karite ma ua faia se feso’ota’iga fa’apitoa i le tala e uiga ia Elisaia. O lo’o i ai fo’i ma le faiga masani o nei tala e lua – e le lava le mea’ai e fafaga ai le ‘au fia ‘a’ai – ma o se agalelei nauā ona o le tele o mea’ai na totoe – o se fa’amanatu mai lea o le Atua anoanoa’i i taimi uma.

O le faitauga mai iā Paulo o se vaega mai Efeso ua manu a’e so’o; o lana fe’au lava e aoga le fa’alogo so’o pea i ai.

# Taulogologo

## FAITAUGA MO LE ASO SA MUAMUA O AUKUSO

### Aso 5 Aukuso Aso Sa 18 Tausaga Masani:

Faitauga muamua: Esoto 16: 2 – 4, 12 – 15.

Matua: Ou te fa'atotoina ifo le mea e mai le lagi ma outou

Salamo: 78: 3 4 (tali), 23 – 24 (tali), 25, 54 (tali). Tali: Na avatu iā te i latou o mea e 'ai mai le lagi.

Faitauga lona lua: Efeso 4: 17, 20 – 24. Matua: Ia 'o'ofu outou i le tagata fou ua faia e foliga i le Atua.

Aleluia, Aleluia...O a'u nei le ala, ma le upu moni, ma le ola; e lē alu atu lava se tasi i le Tamā pe a le ui mai iā te a'u... Aleluia.

Evagelia: Ioane 6: 24 – 35. Matua: O lē sau iā a'u, e lē fia 'ai lava o ia; o lē fa'atuatua fo'i iā te a'u, e lē toe fia inu lava ia.

## O LE FA'ASOLOGA O MISASA MO IULAI 2018

<b>1<sup>st</sup>. Sunday</b>	8.30am	Strathmore	Patele Petelo
<b>1<sup>st</sup>. Iulai 2018</b>	10.30am	Taita	Patele Roderick Milne
	11.30	Titahi Bay	Patele Maleko
<b>2<sup>nd</sup>. Sunday</b>			
<b>8<sup>th</sup>. Iulai 2018</b>	11.30am	Naenae church	Patele Petelo
	11.00	Wainuiomata	Leai se Misasa
<b>3<sup>rd</sup>. Sunday</b>			
<b>15<sup>th</sup>. Iulai 2018</b>	11.00am	Newtown	Patele Maleko
	11.30am	Heretaunga	Leai se Misasa
<b>4<sup>th</sup>. Sunday</b>			
<b>22<sup>nd</sup>. Iulai 2018</b>	11.00am	Lower Hutt	Patele Maleko
	11.30	Stokes Valley	Patele Petelo

## KALENA A LE MATAGALUEGA MO IULAI 2018